

唐尚書省郎石柱題名考

仁和趙星甫太史撰尚書省郎官石柱題名
攷甫屬稿自度未及成書即付託勞季言先
生續補成之季言熟於唐代典故廣搜事實詳
加攷證以視王氏金石萃編增多十數倍無考者百
九十餘人各部補遺得六百廿四人補輯禮膳兩部共
得二百十一人採摭繁富蔚為巨觀其見於舊新
兩書者足以校史傳之異同其不見於新舊兩書者
足以羽翼史傳之未備羣書所引姓氏筆畫小異
間有之未敢遽遷就改異今存其原文以備參攷
季言初創此稿隨得隨錄以蠅頭細字書于殘冊

其兄青子先生以為非子莫能辨也子乃窮數年
之力繕寫清本編為廿六卷刊成與御史精舍臺
題名考相輔而行子於故人之誼無遺憾矣惜乎
勞氏所見天下郡縣志未徧唐人碑版又日出不
窮萬一有遺漏是所望于後人採取補正焉光
緒十年甲申七月歸安丁寶書序

歸安邑虎臣書

唐尚書省郎官石柱題名考卷首

例言

唐尚書省左右司郎中員外郎及六部二十四司郎中員外郎皆有廳壁記以記其遷任罷斥之年月又刻其姓名於二石柱今壁記已佚石柱又闕其一僅存左司郎官及左三行十二司郎官而已又多漫漶磨滅王趙二家所載亦多誤謬今細審石本詳爲訂正案柱凡八面第一面上截僅存末行大中十二年十一月十二日書石柱記左司郎中唐技一行細審又有光被諸字隱隱可辨考陳九言序有至德光被一語則上截當是陳序王氏以爲序記別

勒于碑誤也下載左司郎中左司員外郎題名第二面吏部郎中吏部員外郎司封郎中司封員外郎題名第三面司勳郎中司勳員外郎考功郎中考功員外郎題名第四面戶部郎中戶部員外郎度支郎中度支員外郎題名第五面金部郎中金部員外郎倉部郎中倉部員外郎題名第六面上截已闕當是禮部郎中禮部員外郎下載祠部郎中祠部員外郎題名第七面上截亦闕當是膳部郎中膳部員外郎下載主客郎中主客員外郎題名王趙二本次序淆亂說詳下今悉依舊新書職官志訂正以復其朔云一石柱唐時凡三刻石初刻於開元廿九年陳九言撰序

張旭書再刻於貞元中許孟容撰後序劉寬夫隸書三刻
於大中十二年當亦有記序惜已殘闕不可得見案初刻
左旋陳序云斷自開元廿九年蓋石柱立於是年故郎官
題名亦以是年爲斷王氏以爲斷自開元廿九年始說殊
舛誤重刻始改右旋而磨改之處尙隱隱可辨細驗左司
初刻重刻俱同是一面尙存左外韋成季趙匡等七人姓
名吏部司封一面係初刻膳部主客二司末行尙存膳部
郎中諸字司勳考功一面係初刻禮部祠部二司尙存禮
部郎中何敬之薛紹等姓名戶部度支一面係初刻金部
倉部二司金部倉部一面係初刻戶部度支二司禮部祠

部一面係初刻司勳考功二司膳部主客一面係初刻吏部司封二司尙存封外口嶠朱前疑等六人姓名每行比重刻者高寸許字形亦較重刻者稍大王趙未知石凡三刻以致重出鱗亂此非細驗石刻不能辨也

一題名石已中斷未審於何年重立重立時誤移上二面故上下二截曹司各別王趙二書不爲審正因誤以考中考外蒙上作左中倉中蒙上作考中祠中蒙上作度中主中蒙上作倉中致與諸書所載牴牾不合今細案闕紋爲之訂正

一石刻題名雖依壁記爲次然所載姓名次序亦不甚合

又石刻立于大中十一年而每司題名約其時代當在僖宗乾符時蓋令史續書字跡亦比前較劣至廣明以迄天祐郎官原未刊石非闕佚也

一左司及十二司郎官惟左外吏外勳中戶外金中金外祠外主外諸司尙爲完好餘如左中倉中祠中主中則闕上截考中考外度中度外倉外則下截已多殘闕吏中封中中有數行亦已磨滅不可辨識禮膳二司全行殘闕

僅存初刻數人說已見前

又吏部一司字畫比每諸司差小亦以員數

稍多故耳

一石刻所列郎官姓名凡有專傳可考而歷官與石刻合

者則僅列其里居姓氏由某官遷後轉某官生平事迹概不詳載惟有涉及本司者始爲甄錄或本傳不載是官而別見於他傳及諸書者則列於本傳之後間有軼事爲本傳所失載者并附存之其無傳者始詳考其生平所歷之官職事迹人品之善惡按其先後略爲編次俾尙論者有可稽考亦補傳之體也

一 郎官姓名凡石刻殘闕以及未補刻者參考本傳及諸書廣爲引證按其時代彙爲補遺列於每司之後或有云嘗歷某司而實舛誤者則詳引以糾其謬列之附存附之補遺之後

一唐代官職有職事官有散官貞觀令凡散官高者稱行

職事官高者稱寺見職官志而又有稱檢校者

石抱忠檢校天官郎

中石刻嵩陽觀紀聖德感應頌徐浩結銜

有稱判者

石刻

稱朝議大夫檢校尚書金部員外郎是也

唐志云員外判試

千福寺多福佛塔感應碑文顏真卿結銜稱朝議郎判尚書武部員外郎是也

檢校自則天中宗後始有之皆不佩魚蓋雖以階級未至

故稱此以別之未實授而實辦本職故金外有徐浩名中

葉以後藩鎮從事往往檢校郎官而實未嘗至省故傳中

每以還朝二字別之則與前所稱檢校者名雖同而實異

考舊書陳少遊傳充使檢校郎官自少遊始也

新傳談賓

錄所載亦同

太平廣記二百三十九引

云寶應元年入為金部員外郎

尋授侍御史迴紇糧料使改檢校職方員外郎則檢校銜
始於代宗朝今自代宗以後所稱檢校郎官悉不載入又
唐自肅宗以前凡除郎官而未到省者亦列其名如張巡
傳巡由貞源令授主客郎中兼御史中丞實未蒞職而石
刻尙載巡名是其證也此前人所未及考者今皆參互考
證而詳列之

一唐初所置行臺尙書省六部諸司雖不備置而實有郎

官職事然究是外任故石刻不列其名

如杜如晦爲行臺
司勳郎中見舊書

太宗紀房玄齡于志寧爲記室考功郎中見太宗置文館
學士敎王子貞爲行臺倉部郎中見新書宰相世系表今
石刻無四或據舊書外戚傳地理志皆稱陝東道行臺金
人名可證

部郎中長孫操而石刻首列操名爲疑案新書操傳云高祖辟署金曹參軍考高祖開大丞相府時所辟諸曹參軍悉擬隋朝省官受禪以後卽以爲本司郎官陳子良爲王季卿與王仁壽書云宋國公子懷廓今任光祿大夫相府禮曹參軍而元和姓纂則稱禮部郎中則操亦由金曹參軍爲金部郎中又出爲陝東道行臺金部郎中爾宰相世系表止稱金部郎中不云行臺亦其一證故行臺郎官補遺悉不登載

一郎官姓名或有與他官同姓名者則必考其世系核其時代以決其是非卽有不可考者亦兩存之以待考其有

同官郎署而姓名相同者

如吏中補之李元素與吏外勳外戶中左中之李元素左中吏

中考中戶中之崔瑁與主中之崔瑁別是一人

又有同在一曹而郡望互異者

如左

中戶中之李巽趙郡人左中

有同姓名而或以字行者

如左

補之李巽係宗室隴西人

有同姓名而時代不合者

如勳外

中有李誠而考中補之李誠以字元成行

無考而唐末又有韓瞻皆詳考其本末以注於下如此之類率非一端

略舉一二以志梗概

一郎官題名青浦王少寇

魏

仁和趙明經

魏

俱錄有全文

王本刻入金石萃編趙本刻入讀畫齋叢書

少寇又著考一卷附後所据僅舊

新兩書及全唐詩傳而止掛一漏百誤謬宏多即曹司次

序先後倒置至以左司殿主客之後考中蒙左中之名又

於石刻曼患處不復詳爲審定以致多所脫佚蓋萃編定於少寇暮年是時患目疾諸碑跋語類出於門下士所爲援引疏漏殊難僕數非獨此考爲然今不復爲之指摘於其所闕者僅注云王本闕而已

尙書省郎官石記序

朝散大夫行右司員外郎陳九言撰



吳郡張旭書

夫上天垂象北極著於文昌先王建邦南宮列爲會府六
官旣辯四方是則大總其綱小持其要禮樂刑政於是乎
達而王道備矣聖上至德光被睿謀廣運提大象以祐生
人躬無爲以風天下三台潛曜百辟承靈動必有成舉無
遺策年和俗厚千載一時而猶搜擇茂異網羅俊逸野罄
蘭芳林殫松秀盡在於周行矣夫尙書郎廿四司凡六十
一人上應星緯中比神仙咸擅國華以成臺妙修詞致天

一之議伏奏爲朝廷之容信杞梓之藪澤衣冠之領袖頃朝榮初拜或省美中遷昇降年名各書廳壁訛誤多矣總載闕如非所以傳故實示不朽者矣今諸公六聯同事三署並時排金門轡華轂鸞跼鳳跼肩隨武接而不因僉謀補其闕典其於義也無乃太簡乎左司郎中楊公慎餘於是合清論創新規徵追琢之良工伐石藍之美石刊刻爲記建於都省之南榮斷自開元廿九年咸列名于次且往者不可及來者不可遺非貴自我蓋取隨時班位以序昭其度也豐約從宜昭其儉也俾夫金石長固英華靡絕不編班固口口自然成表未識馬卿之賦已辯同時不其偉

歟

開元廿九年歲次辛巳十月戊寅朔二日己卯建

古人稱長史得草聖不傳之妙豈知真書在唐爲一代
精絕所謂能行而後善走者也魯公書學氣侔造化真
楷得法多自公始郎官帖精絕爲至舊刻在京兆今亡
或云淪瘞廳事址下近從  李衡得墨本全文蓋丞
相壽國高公故家  置者累旬真

希代寶也十有三年  龕

王惲秋澗集跋
郎官石柱記後

尚書省郎官石記序陳九言撰張顛書記自開元二十

九年郎官石名氏爲此序張顛草書見於世者其縱放
奇怪近世未有而此序獨楷字精勁嚴重出於自然如
動容周旋中禮非強爲者書一藝耳至於極者迺能如
此其楷字蓋罕見於世則此序尤爲可貴也

古今法書苑

長史郎官壁記世無別本惟王奉常敬美有之陳仲醇
摹以寄予知學草必自真入也

董其昌跋

唐尙書省郎官石柱題名考

目錄

卷一

左司郎中

闕

卷二

左司員外郎

卷三

吏部郎中

卷四

吏部員外郎

卷五

司封郎中

卷六

司封員外郎

卷七

司勳郎中

卷八

司勳員外郎

卷九

考功郎中

闕 舊誤左
中今改正

卷十

考功員外郎

闕 舊誤左
中今改正

卷十一

戶部郎中

卷十二

戶部員外郎

卷十三

度支郎中

闕

卷十四

度支員外郎

闕

卷十五

金部郎中

卷十六

金部員外郎

卷十七

倉部郎中

闕 舊誤考
中今改正

卷十八

倉部員外郎

闕

卷十九

禮部郎中

全關
今補

卷二十

禮部員外郎

全關
今補

卷二十一

祠部郎中

闕
舊誤度
中今改正

卷二十二

祠部員外郎

卷二十三

膳部郎中

全關
今補

卷二十四

膳部員外郎

全關
今補

卷二十五

主客郎中

闕
舊誤倉
中今改正

卷二十六

主客員外郎

郎官石柱題名考

卷八

工部司員外郎

唐尚書省郎官石柱題名考卷一

仁和勞格著
趙鉞歸安丁寶書編次

左司郎中

唐六典吏部尚書其屬有左司郎中一人右司郎中一

人並從五品上

龍朔二年改為左右丞務咸亨元年復

舊唐書職官志尚

書都省屬左右丞各一員左右司郎中各一員左司郎

中副左丞所管諸司事省署鈔目勘稽失知省內宿直

之事若右司郎中闕則併行之

新書畧同

石口口節

薛口

裴方產

段機

劉翁勃

王儼

李守約

李守一

崔行功

崔承福

李思順

侯味虛

張知泰

李守敬

徐有功

房昶

趙誼

陸餘慶

閻育止

夏侯岷

韋玠

孔仲思

馮思邕

唐紹

魏奉古

李誠

竇從之

張敬興

夏侯宜

韋叔昂

高昇

鄭倩之

韋伯詳

劉彥回

韋見素

楊慎餘

韋虛舟

張具瞻

崔譚

陳澍

蕭晉用

楊恂

鄭璲

裴從

姚喬柳

裴誚

杯琨

韋寂

張齊明

蔣將明

盧基

呂頌

李巽

奚陟

陸瀉

宇文邈 李元素 韋成季 苗粲 呂元膺

崔郾 劉遵古 韋審規 樊宗師 殷台

豆盧署 獨孤朋 鄭肅 趙元亮 高元裕

鄭居中 李讓夷 何眈 李師稷 崔復本

高少逸 崔璿 韋充 鄭亞 崔駢

崔璵 薛廷範 路綰 韋博 柳喜

裴寅 盧眈 韋退之 李蟪 鄭彥弘

孟穆 薛廷望 李絳 崔瑑 張鐸

李琨 李晦 李繪 李瞻 李嶽

崔寓 孫徽 王鐐 李燭 張旽邈

夏侯潭 口應物 唐技

補遺 杜超 崔義玄 李公淹 封道弘 邱懷道

鄭植 鄭世斌 裴思義 王本立 李懋道

溫翁念 喬知之 崔齊之 王旭 蘇詵

韋拯 裴寬 陽伯成 馬光淑 杜損

李審 李喬年 鄭令璣 鄭成家 魏少游

李巽 盧振 蕭定 丘鴻漸 庾何

獨孤恂 嚴況 盧羣 楊凝 趙需

武元衡 鄭敬 崔滂 辛祕 陸則

韋弘景 庾敬休 李肇 溫造 楊虞卿

張又新

孫簡

姚勗

楊發

豆盧籍

崔原

鄭綮

楊贊禹

陸愿

孫濟

劉植

劉居簡

樊慶德

附存
裴珣

勞檢丁士諤校字

唐尙書省郎官石柱題名考卷第一

□□節

鉞案疑是字文節節見吏中吏外勳中

薛□

鉞案疑是薛述見吏中勳中

裴方產

新書宰相世系表中脊裴氏祥曾孫方產右司

郎中

段機

元和姓纂段孝機中書舍人

格案時代正合疑卽是人

劉翁勃

又戶外

元和姓纂

十八

劉通國生翁彥

見金中

勃勃

不詳歷官

案時代正合疑卽是人

王儼

又吏中勳外考外

新表京兆王氏隋柱國龍門莊公

述孫儼工部侍郎

李守約無考

李守一又度中

新表隴西李氏武陽房右衛大將軍武陽

懿公大亮子守一庫部員外郎宗室世系表上蔡王

房宗正少卿通元子守一開封令案時代不合又蜀王房

眉州刺史義節子守一冀州別駕又趙郡李氏南祖

續後高宗相敬元子守一成都郾令舊李紳傳新敬元傳同蘇

頲授李守一別駕等制稱皇三從兄前洺州司馬守一

等文苑英華四百十四

崔行功又吏中戶中新表博陵大房崔氏長安令綜

子行功秘書監舊文苑傳上行功恆州井陘人高宗

時累轉吏部郎中嘗兼通事舍人內供奉坐事貶爲游

安令

新文藝傳同

唐會要

二十

顯慶四年二月二十八日

引諸色目舉人謁見下詔策問之凡九百人李巢張九

齡秦相如

見吏中

崔行功郭封五人爲上第令待詔宏文

館每坐日令五人隨仗供奉

又

六十

貞觀二十年閏

三月四日詔更撰晉書主客員外郎崔行功等分功撰

錄

崔承福

新表博陵第二房崔氏後魏司徒挺後信都太

守仲方孫令子承福越廣二州都督唐會稽太守題

名記永清二年二月十六日淞西刺史授越州都督

嘉泰

志二年作三年
制西作口州

呂溫唐故銀青光祿大夫守工部尚

書致仕上柱國中山郡開國公食邑二千戶贈陝州大

都督博陵崔公

世系表
名淙

行狀曾祖諱承福皇朝太中大

夫廣越二府都督

呂衡州
文集五

李思順

新表蔣王房建甯郡公休道子据初名思順中

山郡王

舊蔣王傳作琚是
又見趙王福傳

侯味虛

又左外
戶中補

元和姓纂

十九
侯

夏官郎中侯味虛

原誤

味處
今改絳郡人

舊書

良吏
上

薛季昶傳萬歲通天元年夏

官郎中侯味虛統兵討契丹不利奏言賊徒熾盛常有

蛇虎導其軍則天命季昶接驗其狀馳至軍斬味虛以

聞新傳

新書杜景佺傳秋官員外郎杜景佺與侍郎

陸元方按員外郎侯味虛罪已推軌釋之朝野僉

戶部郎中侯味虛著百官本草太平廣記二百五十五

張知泰

舊書

良吏

張知謩傳

見度

弟知泰明經擢第調露後歷

臺省通天中為洛州司馬尋為夏官地官侍郎

新傳武后時歷

益州長史中臺左丞兵部侍郎封陳留縣公

李守敬

無考

徐有功

又戶

新表徐氏王屋令士安子有功字宏敏秋

官侍郎

新傳名弘敏避孝敬皇帝諱以字行

舊傳舉明經詔封東莞男

載初元年累遷司刑丞尋轉秋官員外郎轉郎中坐出

反囚免官久之起爲左臺侍御史除名爲庶人尋起爲

左司郎中累遷司刑少卿

新傳自司刑丞累轉秋官郎中免官俄起爲左肅政臺侍

御史免爲民起拜左司郎中轉司刑少卿

李嶠授徐有功司刑少卿制中

散大夫行文昌左司郎中東苑縣開國男徐有功繩準

憲曹樞機會府咸歸平恕雅有聲績

文苑英華三百九十八

房昶

又戶外

新表河南房氏武后相融子肅宗相瑄弟

見主

外昶中書侍郎

新書韋湊傳觀察使房昶才資州司

兵韋湊表于朝

韋述唐太原節度使韋湊神道碑延

載元年廉察使房昶上表聞薦

文苑英華九百十四

趙誼

又封中勳中

新表隴西趙氏高宗相仁本子

見吏誼左

司郎中司僕少卿

舊趙憬傳祖誼歷左司郎中

權德輿唐故正議

大夫守門下侍郎同中書門下平章事成紀縣開國男

賜紫金魚袋贈太子太傅貞憲趙公

憬

神道碑銘王父

贈趙州都督誼歷右司郎中乾封縣令司僕少卿

權載之文

集十三案右司當作左司

陸餘慶

新表陸氏太尉枝陳右軍將軍珣孫餘慶太子

詹事

元和姓纂尚書左丞太子詹事

舊傳則天時累遷中書舍人責

授左司郎中累除大理卿

新陸元方傳從父餘慶舉

制策甲科武后時擢監察御史聖厯初遷殿中侍御史

鳳閣舍人降左司郎中久之封廣平郡公太子右庶子

開元初爲河南河北宣撫使遷大理卿

閻昝止

又御史臺監察題名

元和姓纂

二十後魏戶牖侯閻嵩居

武陽七代孫昝止唐左司郎中

夏侯岷

無考

韋玠

玠二本誤珍又封外

新表東眷韋氏閬公房太府少卿德

敏子

見考中補

玠司農卿

又彭城公房元震子玠不詳歷

官

又郎公房武后中睿相安石子玠司農卿

蘇頌

授韋玠司農少卿制正議大夫行太常少卿上柱國薛

縣開國男韋玠可兼司農少卿散官勳封如舊仍分司

東都

文苑英華三百九十

資治通鑑

唐紀二十七

開元三年十二月

尚書左丞韋玢奏郎官多不舉職請沙汰改授他官玢尋出爲刺史宰相奏擬冀州勅改小州姚崇奏言臺郎寬怠及不稱職玢請沙汰乃是奉公臺郎甫爾改官玢卽貶黜於外議者皆謂郎官謗傷臣恐後來左右丞指以爲戒則省事何從而舉矣伏望聖慈詳察使當官者無所疑懼乃除冀州刺史

孔仲思

又度中

元和姓纂

董一

孔構生仲思給事中會稽山

陰人

唐會要

六十六

太極元年二月十八日加少府少

監一員以孔仲思爲之

馮思邕

元和姓纂

東

馮思雍刑部郎中長樂信都人

唐紹

又度外

新表唐氏河南府士曹參軍景子紹字遵業

給事中

舊唐臨傳孫紹神龍中太常博士景龍中遷

左臺侍御史兼太常博士睿宗卽位累轉給事中 新

傳神龍時爲太常博士遷左臺侍御史度支員外郎常

兼博士睿宗卽位再遷給事中 舊書輿服志太極元

年左司郎中唐紹有論明器禁障車疏

魏奉古

又左外史臺殿中監察題名

戶中

又御

舊書刑法志開元初玄

宗勅給事中魏奉古等刪定格式令三年三月奏上名

開元格

新書藝文志刑法類同

席豫唐故朝請大夫吏部郎中

上柱國高都公楊府君仲宣碑銘吏部侍郎魏奉古早以

文伯期於王佐唐文粹五十八石刻顏真卿唐故通議大夫

行薛王友柱國贈祕書少監國子祭酒太子少保顏君

惟貞廟碑銘以清白五為訪察使魏奉古等所薦建中元年陝西

西安大唐新語八魏奉古制舉推第授雍丘尉姚珽莅

汴州召奉古曰仕宦四十年未嘗見此終兵部侍郎

寺塔記下開元初柳七師分先天菩薩幘本畫樣三卷

往上都流行時魏奉古為長史進之西陽雜俎續集六

李誠又御史殿中監察題名案考中補新表趙郡李

氏東祖房給事中崇德子見封中誠大理少卿又趙郡

李氏東祖房都水丞仁穎子誠河南府法曹參軍 膚

宗遣宣勞使誥宜以司門郎中李誠為關內道宣勞使

詳膳中補蕭瑗注

寶從之

又祠外

新表寶氏三祖房懷昶子從之右司郎中

張敬輿

又戶中

戶外

又御史臺殿中監察題名

孫逖授張敬輿一本與等

諸州刺史制門下太中大夫使持節鄭州諸軍事守鄭

州刺史上柱國張敬輿等克修名操久踐衣冠咸適用

於當時各効能於列郡風謠具舉歲序皆深曾是移官

用叶平分之義或因去職宜承並命之恩可依前件文苑

英華四

百十

夏侯宜

無考 又御史臺侍御殿中監察題名

韋叔昂

新表韋氏龍門公房會子京兆少尹仲昌弟

見度

中補叔昂左司郎中

高昇

新表高氏晉州刺史渤海縣伯武光子昇右司郎

中 盧虔御史中丞晉州刺史高公神道碑嗣子長曰

昇咸在童齠

文苑英華九百二十三

舊李晟傳鳳翔節度使高

昇召補列將

舊郭子儀傳永泰元年八月郭子儀自

河中至屯涇陽雜虜圍之數重子儀使李國臣高昇拒

其東

新傳 署同

舊代宗紀永泰元年三月壬辰朔詔檢校

刑部尚書高昇等十三人並集賢院待詔上以勳臣罷

節制者京師無職事乃合於禁門書院間以文儒公卿

寵之也仍特給殮本錢三千貫 石刻王佑大唐清河

郡王李寶臣紀功載政之頌碑陰有逐要官朝散大夫試

秘書省著作郎上柱國高昇直隸正定永泰二年

鄭倩之 孫逖滄州刺史鄭公孝墓誌銘嗣子兵部郎中

倩之開元十九年文苑英華九百五十一王士源孟浩然詩集序華

茫明刊本陰太守滎陽鄭倩之與浩然為忘形之交校宋本孟浩然

詩集序不署年月中有天寶四載徂夏

詔書徵詣京兆府云云蓋在元宗時也

韋伯詳又考中補戶外詳作祥新表韋氏龍門公房

會子叔昂弟見伯詳考功郎中

劉彥回

又戶中 又御史臺侍御殿中題名

廣異記唐劉彥回父爲湖州

刺史後十餘年刺史亡彥回爲房州司士

太平廣記四百七十二

蘇頲御史大夫贈右丞相程行謀神道碑凡厥所嗟

上之不隕直清而美者則侍御史彭城劉彥回同郡宋

詢

文苑英華八百八十九

嘉定鎮江志

六十劉彥回開元中自侍

御史左遷金壇令彥回以直貶終守清節琴樽自娛吏

民畏愛之

韋見素

新表韋氏南皮公房彭城文公湊子見素相元

宗

舊傳字會微學科登第自庫部員外郎加朝散大

夫歷右司兵部二員外左司兵部二郎中遷諫議大夫

天寶五載充江西山南黔中嶺南等處黜陟使

新傳見素及進

士第擢累諫議大夫餘同舊傳

楊慎餘

又吏中勤外

新表楊氏太府卿戶部尙書崇禮子慎

餘吏部郎中少府少監

舊楊慎矜傳開元中父太府

卿崇禮致仕慎餘先爲司農丞除太子舍人監京倉天

寶六載十一月使京兆士曹吉溫往東京收少府少監

慎餘等雜訊二十五日詔賜自盡監察御史平列齋敕

至大理寺聞死合掌指天而縊

新傳畧同

石刻陳九言尙

書省郎官石記序左司郎中楊公慎餘合清論創新規

徵追琢之良工代□藍之美石刊刻爲記建於都省之

南榮開元廿九年 顏真卿崔孝公陋室銘記公之澄

清中外也以畿縣丞尉楊慎餘等並以清白吏能而薦

之顏魯公文集十四

韋虛舟又勳中 戶中 御史臺左側題名 又 新表韋氏南皮公房右庶

子南皮縣公維子見戶中 工部尚書虛心弟見左外補 虛舟刑

部侍郎 舊韋虛心傳季弟虛舟舉孝廉自御史累至

戶部司勳左司郎中歷荊州長史洪魏州刺史兼採訪

使新傳虛舟歷洪魏二州刺史 孫逖東都留守韋公神道碑季弟

曰虛舟事皇帝歷戶部司勳郎中今移左司文苑英華九百十八

李華荊州南泉大雲寺故蘭若和尚碑名臣韋刑部

虛舟僉契慈緣而承善誘天寶十年二月既望和尙禪

定而滅刑部韋侍郎時臨荊州躬護喪事

文苑英華
八百六十

張具瞻

無考 又御史臺監
察題名并左側

崔譚

又勳外 倉外 又御史
臺監察又左側題名

石刻寶從直唐故河南

府司錄盧公夫人崔氏誌銘王父知悉祕書丞贈國子

祭酒伯曰譚左司郎中

河南
洛陽

陳澍

澍王
本缺

定命錄陳澍爲潁陰太守屬安祿山反至東

京補孫縣尉爲潁陰太守賜緋并領二十餘人取澍澍

僞作敕書迫入京令向西兩驛上差人逆來夜半敕書

至明早召集諸官宣勅便令手刃就館中誅殺孫并手

又二十餘人殺錄事參軍孫尉妻女令上佐知州事便

發入京

太平廣記二百十七

蕭晉用 石刻顏真卿東方先生畫贊碑陰記真卿去歲

拜此郡與長史前洛陽令蕭晉用同茲謁拜

天寶十三載山東

陵縣

楊恂

又御史臺右側侍御兼殿中題名

新表楊氏越公房處相孫

一本曾孫

恂左司郎中

又楊氏越公房試協律郎知權子旬

見

外補恂字莊已常州刺史

時代不合非

鄭璲

璲王本缺

又

文苑英華

五百十四

有鄭璲對獻賢能

書判

裴從從王本缺又新表洗馬裴氏荊州按察使觀子

中見戶遂一名從京兆少尹

姚喬柳喬柳王本缺又御史臺陰額監察題名新表吳興姚氏宣州

刺史昌潤子喬柳將作少監

裴謂又考中補新表南來吳裴氏禮部尚書寬子見左中補

謂字士明東都副留守舊傳舉明經自侍御史除太

子中允遷考功郎中代宗時為河東道租庸鹽鐵等使

入計拜左司郎中出為虔州刺史歷饒廬毫三州刺史

同新傳石本裴曙祈雨感應頌二年余從兄自左司郎

中詔領虔州牧江西贛縣

林琨

又封中膳中補

元和姓纂

二十侵

定平丞希邱生琨司駕員

外知制誥生禮

二字疑衍

膳部左司郎中諫議大夫中都男

贈兵部侍郎工部尚書濟南鄒縣人入關居三源

疑原縣

韋寂

又金外

新表韋氏逍遙公房原州都督衡子寂司農

大府少卿

元和姓纂寂左司郎中太府少卿

張齊明

無考

蔣將明

又勳外主外

新表蔣氏太子洗馬宏文館學士璿生

將明國子司業集賢殿學士副知院事

古今姓氏書辨證起居舍人國

子司業

舊蔣父

見勳外

傳父將明累遷至左司郎中

餘同世系

表

新蔣又傳父將明歷侍御史擢左司郎中

餘同表

盧基

舊盧基傳

王云字書無基字

少以門蔭入仕宰相楊炎遇

之頗厚自金州刺史召拜左司郎中京兆少尹遷大尹

呂頌

呂頌黔州刺史謝上表略云去年某月日恩勅授

臣使持節都督黔州諸軍事守黔州刺史兼御史中丞

一作大夫

今年某月日到所部上訖又云建中之初佐戎南

海屬陛下飛天御極拔異搜能臣謬居朝謁之中嘗備

對剔之末臣於延英殿獻大禮賦一首特奉恩旨令臣

自讀三蒙睿獎宣付史館尋屬賊臣希烈上表臣奉詔

奔馳因茲淪陷臣忍死効節偷生竭忠分士伍以弱枝

獻土地以強幹當元凶授首之際亂兵害帥之時初則

傳臣及禍後乃知臣僅存陛下分命宰臣念形於色始
臨軒而出涕終省表而再歎妖氛卽殄飛詔追臣就拜
銀青仍加金印授官華省列位聖朝去歲季春陛下與
太子諸王賦詩宴中書宣付遍示百寮凡在臣下無不
奉和擢居第一唯臣一人獨荷殊旌乃蒙厚錫 又云
臣本書生謬登清秩始詳刑政旋改轄司陛下不念愚
蒙擢臣非次草奏之地忽降旌旄郎署之間遂遷方鎮
文苑英華五百八十五 案据表則頌當自左中出鎮
黔中又英華六百六有呂頌爲張侍郎乞入覲表原注
云德宗時任黔府觀察使表畧云貞元五年於延英殿
賜面辭之日親奉進止今臣一考卽來自到黔中首末
三年更入新正卽及四載又再請入覲表云擢居方鎮
首末四年又云去年十二月已進表陳乞此卽指前表

也權載之文集四十九祭故呂給事文前稱貞元九年
癸酉正月庚子畧云君命佐戎于彼淮甸方國多虞妖
氛潛扇每以明誠冀其革面外蒙恥以枉尺中飛章而
告變白刃臨前丹心炳然貞其困而後濟忘其生而後
全褫袵既平忠勞亦著草奏南宮嘉聲載路出領符竹
澄清遠部夕拜黃扉昭宣王度云云雖不著給事名案
其事迹當卽呂頌蓋自黔中入拜給事也其任黔中舊
紀不書考舊德宗紀貞元五年三月以大理卿李速爲
黔州刺史黔中觀察使又八年五月戊午以光祿少卿
崔穆爲黔州觀察使再請入覲表云近日已來暢悅
孫成李速裴腆皆在遐裔相次喪亡云云則頌任黔中
當在李速之後崔穆之前李速後卽是呂頌自貞元五
年至八年崔穆拜正得四年時正相接不容又有張侍
郎其人疑任黔府觀察者卽呂頌張侍郎三字當是衍
文英華於表類多誤不可盡据

李巽

又戶中此與左中補
之李巽別是一人詳下

新表趙郡李氏西祖房右

武衛錄事參軍疑子巽字令叔吏部尙書度支鹽鐵轉

運使 唐會要七十貞元四年四月清廉守節政術可

稱堪任任緯署有縣令科李巽及第緯署舊傳以明經拔

萃登科周歷臺省竇參爲宰相不悅巽自左司郎中出

爲常州刺史仍促其行踰年召爲給事中新傳權德

輿唐故銀青光祿大夫守吏部尙書兼御史大夫充諸

道鹽鐵轉運等使上柱國趙郡開國公贈尙書右僕射

李公墓志銘由萬年縣令課最爲戶部左司二郎中由

常州刺史理刑第一徵爲給事中權載之文集二十二大唐湖

南都團練觀察處置等使朝散大夫檢校左散騎常侍

持節都督潭州諸軍事兼潭州刺史御史中丞雲騎尉

賜紫金魚袋李公遺愛碑銘由左司郎中爲常州刺史

又十

會要

七十

贈右

舊書

僕射李異諡曰肅

奚陟

又吏外金外補

舊傳字殷卿亳州人

碑作殷衡

登進士第又登

制舉文詞清麗科自太子司議郎歷金部吏部員外郎

左司郎中彌綸省闈又累奉使皆稱旨貞元八年擢拜

中書舍人新傳其先自譙亳西徙故爲京兆人自太

子司議郎歷金部吏部員外會左右丞缺轉左司郎中

貞元八年遷中書舍人褚藏言故國子祭酒致仕贈

太子少保府君

常寶

詩序府君大厯十四年舉進士與故

吏部侍郎奚陟同年上第

寶氏聯珠集

劉禹錫唐故朝議

郎守尙書吏部侍郎上柱國賜紫金魚袋贈司空奚公
神道碑自太子司議郎從大駕回入尙書爲司金元士
且參權筦之務轉吏部外郎時文昌缺左右丞都曹差
重遂轉左司郎中尋遷中書舍人

劉賓客文集二

陸渚

又倉中

舊書儒學傳質吳郡人本名渚避憲宗名改

之自陳少遊揚州從事後薦於朝拜左拾遺轉太常博

士累遷左司郎中坐細故改國子博士

新傳字伯沖自淮南幕府薦授

左拾遺累遷左司郎中

大唐郊祀錄

十

貞元四年八月刑部員

外郎臣陸渚等六人請依貞觀於磻溪立齊太公祠

會要

二十三同新書禮樂志五同

舊柳冕傳貞元六年十一月上親行

郊享倉部郎中陸質等攝禮官同修郊祀儀注 舊書

禮儀志 六 貞元十一年七月二十六日左司郎中陸淳

奏祇獻懿二主於興聖之廟 新書禮樂志三同新儒學陳京傳畧同

宇文邕 柳宗元先君石表陰先友記宇文邕 原注大厯二年進士

河南人有文謹慤人也為御史中丞齷齪自守然以直

免官復為刺史卒 河東先生集十二 舊鄭餘慶傳貞元十三

年詔中丞宇文邕等三司同按鞠元法寺僧法湊 石

刻大唐同州澄城縣令鄭公 楚相 德政碑銘末署左司郎

中宇文邕修功善狀 貞元十四年正月 陝西澄城 李翰河中鸛鵲

疑作 樓集序上客有前美原尉宇文邕文行先達名重

當時

文苑英華七百十

新表宇文氏襲介公庭立子邈

姓纂同

李元素

又吏外 勳外 戶中 此當德宗時與吏中補考中之元素非一人

新表遼東

李氏椿元孫元素字大祁戶部尚書

二傳作大朴

舊傳任

侍御史遷給事中

新傳德宗時

初為郎官再娶王氏甚禮重

及貴甚薄遂出之

韋成季

又左外 封中 祠外

新表韋氏小逍遙公房虞部員外

郎逢子成季兵部郎中

舊李藩傳德宗時王仲舒韋

成季呂洞輩為郎官朋黨輝赫日會聚歌酒強致藩一

至仲舒輩好為訛語俳戲後召堅不去曰吾與仲舒裴

終日不曉所與言何也後果敗

新傳畧同

許孟容祭楊郎

中文稱貞元十九年四月司封郎中韋成季等

文苑英華九百

八十

舊韋執誼傳貞元十九年補闕張正一

見戶因

上書言事得召見王仲舒

見吏外

韋成季劉伯芻

見考中補裴

蒞

見勳外

常仲孺

見吏中

呂洞等以嘗同官相善以正一得

召見偕往賀之或告執誼正一等上疏論君與王叔文

朋黨事執誼信然之因召對奏成季等朋聚覬望德宗

令金吾伺之得其相過從飲食數度盡逐成季等六七

人當時莫測其由

新傳畧同

苗粲

又勳外

倉中案

新表苗氏肅宗代宗相晉卿子

河南少尹丕弟

見吏中

粲給事中

新苗晉卿傳子粲德

宗時官至郎中陸贄欲進榮官帝不許曰晉卿往攝政
有不臣之言又名其子皆與帝王同榮等宜與外官
奏晉卿起文儒致位台輔謙柔敦厚爲三朝所推安肯
爲族滅計雖甚狂險猶不爲之況老臣乎

呂元膺 舊傳字景夫鄆州東平人建中初策賢良對問

第自侍御史丁繼母憂服闋除右司員外郎出爲蘄州

刺史元和初徵拜右司

疑作左司

郎中兼侍御史知雜事遷

諫議大夫給事中

新傳
署同

崔郾

又吏中
吏外

新表崔氏清河小房御史中丞陞子

邪傳
作僊

司農卿鄧弟

見戶
外

郾字廣畧浙西觀察使諡德 杜牧

唐故銀青光祿大夫檢校禮部尚書御史大夫充浙江

西道都團練觀察處置等使上柱國清河郡開國公食

邑二千戶贈吏部尚書崔公行狀貞元十二年中第十

六年平判入等自吏部員外郎判南曹事凡二年遷左

司郎中吏部郎中

樊川文集十四

舊傳舉進士平判入等自

刑部員外郎居內憂釋服爲吏部員外郎再遷左司郎

中元和十三年鄭餘慶爲禮儀詳定使選時有禮學者

共事以郾爲詳定判官吏部郎中

舊鄭餘慶傳同

劉遵古

又戶中

元和姓纂

尤十八

監察御史劉遵古云東平

人唐科名記貞元八年陸贄主司試明水賦御溝新

柳詩其第十人劉遵古

洪興祖韓子年譜

舊敬宗紀寶曆元

年九月丁丑衛尉卿劉遵古役人安再榮告前袁王府

長史武昭謀害宰相李逢吉詔三司鞫之

舊李逢吉傳同舊裴度傳

同誤

二年正月甲午以衛尉卿劉遵古爲湖南觀察使

文宗紀太和三年五月以左金吾衛大將軍劉遵古

爲邠寧節度使

太和四年正月癸巳以前邠寧節度

使劉遵古爲劍南東川節度使

八年六月壬午大理

卿劉遵古卒

舊元稹傳長慶二年元稹罷相京兆尹

劉遵古遣坊所由潛邏稹居第稹奏訴之上怒罰遵古

穆宗罰劉遵古俸科詔遵古官守尹寺所寄非輕奏

事之間先須據實關於詳審須示薄懲宜罰一月俸料

大詔 白居易王公亮可商州刺史制吾前命劉遵古

張平叔為商州刺史繼有善政今爾代之白氏文集四十八

宣室志故刑部尚書沛國劉遵古大和四年節度東蜀

軍明年夏涪江大汎突入壁壘潰里中廬舍歷數日水

勢始平 寶刻類編五 贈尚書左僕射劉遵古碑許康佐撰

裴謨書 開成 長安志八 唐京城二朱雀街東第四

街宣平坊大理卿劉遵古宅

韋審規又左外 金中 又御史 新南蠻傳中 穆宗使

京兆少尹韋審規持節臨册南詔豐祐 元稹授韋審

規等左司戶部郎中等制守職方郎中上騎都尉韋審

規等厯踐臺閣閑達憲章文苑英華三百八十九元稹贈韋審

規父漸等制稱守尙書左司郎中韋審規父大理卿漸

等元微之文集五十案制有云朕嗣位之二月五日在宥天下云云蓋元和十五年也白居易

易韋審規可西川節度副使御史中丞等制吾命文昌

段文昌爲西川帥次命審規爲上介又云輟三署吏贊丞

相府假憲官職白氏文集四十八

樊宗師又金中元和姓纂二十檢校右僕射襄陽節度樊

澤見金中生宗師南陽湖陽縣人今止河東新傳字紹

述元和三年擢軍謀宏遠科授著作佐郎厯金部郎中

綿州刺史徙絳州 韓愈南陽樊紹述墓誌銘嘗以金

部郎中告哀南方還出為綿州刺史一年徵拜左司郎

中又出刺絳州

昌黎先生集三十四

殷台

又左外 吏中 吏外 又御史臺碑額監察又陰額知雜題名

牛僧孺昭義軍

節度使辛公 秘 神道碑諸孤既葬會謀田陳郡殷台書

迹絕妙且其人吾家之壻

文苑英華九百十五

豆盧署

又戶中 祠外

新表豆盧氏鶚子署字正名河南少尹

中牟縣男 李虞仲授王正雅等兵部郎中制朝議郎

守尚書戶部郎中上柱國賜紫金魚袋豆盧曙可職方

郎中

文苑英華三百九十

獨孤朗

又左外 又碑 額監察題名

新表獨孤氏常州刺史及子

見

中朗協律郎

元和姓 纂同

舊傳長慶初自都官員外郎出

為漳州刺史入為左司員外郎遷諫議大夫

新傳出為 韶州刺史

召遷再遷諫議大夫舊 穆宗紀亦作韶漳字誤

李翱唐故福建等州都團練

觀察處置等使兼御史中丞贈右散騎常侍獨孤公墓

誌入省為都官員外郎史館脩撰如前出刺韶州復入

虞部左司二員外得郎中數月遷權知諫議大夫

李文公集

四十

鄭肅

又吏 外

舊傳肅滎陽人元和三年擢進士第歷佐使

府太和初入朝為尚書郎六年轉太常少卿 新傳字

父敬以儒世家第進士書判拔萃補興平尉累擢太常少卿

趙元亮

又勳外戶外

新表隴西趙氏德宗相憬子元亮不詳

厯官

舊趙憬傳子元亮官至左司郎中侍御史知雜

事卒

舊崔元略傳敬宗詔刑部郎中趙元亮等充三

司覆理元略誤徵畿甸經赦免放緡錢

高元裕

又吏外勳外

新表渤海高氏太常少尹兼御史中丞

集子工部尙書少逸弟

見下

元裕字景圭初名允中吏部

尙書渤海縣男

舊傳太和初奏改元裕

舊傳登進士第大和初

爲侍御史累遷左司郎中李宗閔作相用爲諫議大夫

石刻蕭

新

大唐銀青光祿大夫守吏部尚書上柱國

渤海縣開國男食邑三百戶贈尚書右僕射高公神道

碑□侍御史擢拜司勳員外郎轉吏部員外郎未竟南

曹事會與銓長以公事爭短長剛憤不能下請急□□

□去出關道除左司郎中遷諫議大夫

河南洛陽

鄭居中

又左外

舊獨孤朗傳寶厯元年獨孤朗拜御史中

丞憲府故事三院御史由大夫中丞自辟請命於朝時

崔晃鄭居中不由憲長而除皆丞相之僚舊也敕命雖

行朗拒而不納晃竟改太常博士居中分司東臺

新傳故事

選御史皆御史中丞自請是時崔晃鄭居中繇宰

相力得監察御史朗拒不納晃居中卒改他官

白

居易有開成二年三月三日禊洛濱留守裴令公召前

中書舍人鄭居中等一十五人合宴舟中詩白氏文集三十三

逸史鄭舍人居中高雅之士好道術居襄漢間除中

書舍人不就開成二年春往東洛嵩岳數月而終太平廣記

五十

李讓夷 舊傳字達心隴西人元和十四年擢進士第大

和初入朝為右拾遺召充翰林學士轉左補闕三年遷

職方員外郎左司郎中充職九年拜諫議大夫新傳自右拾遺

召拜翰林學士奪職累進諫議大夫

何昉無考又左外

李師稷 新表江夏李氏北海太守邕元孫見戶漸子師

稷不詳歷官 新楊嗣復傳楊於陵在考功擢浙東觀

察使李師稷及第 唐會稽太守題名記李師稷會昌

二年二月自楚州團練使兼淮南營田副使授會稽撰英總集

十八 嘉 泰志同

崔復本無考又封外

高少逸又主中勳中 新表渤海高氏太原少尹集子允恭弟

見戶少逸工部尙書又見上元逸注 舊傳長慶末爲侍御史

坐弟元裕貶官左授贊善大夫累遷左司郎中元裕爲

中丞代爲諫議大夫侍講學士新傳長慶末爲侍御史坐失舉劾貶贊善大夫

累遷諫議大夫侍講學士 重修承旨學士壁記高少逸開成四年

閏正月十一日自左司郎中充侍講學士其年八月一

日遷諫議大夫五年正月二十七日賜紫守本官出院

翰苑羣書上

崔瑑

又吏中 戶中 倉中 主中 有崔瑑當元宗時與此別一人

新表博陵第二房

崔氏同州刺史頴子璵弟

見下 璵傳云璵兄瑑常州刺史

舊崔瑒

傳弟瑑以書判拔萃開成中累遷至刑部郎中會昌中

歷三郡刺史位終方鎮 新良吏傳開成中詔給事中

盧宏宣與吏部郎中崔瑑賑卹山南江西

本傳失載

拓本

漢西嶽華山碑額左題名銀青光祿大夫行尚書兵部

侍郎李德裕大和三年八月十六日□浙西觀察使檢

校禮部尚書兼御史大夫拜支使監察御史崔璿瀛州筆談

二十

韋充

錢案疑充出平齊公房

文苑英華有韋充賦八首

鄭亞

又吏中補

新表滎陽鄭氏河清令穆子亞字子佐循州

刺史

舊鄭畋傳父亞元和十五年擢進士第又應賢

良方正直言極諫制科又以書判拔萃會昌初入朝爲

監察御史累遷刑部郎中中丞李回奏知雜遷諫議大

夫給事中

新傳畧同

舊書禮儀志六會昌五年九月吏部

郎中鄭亞等五人有東都太廟神主議

崔駢

又勳外戶中

新書地理志坊州郭無水東北七里上有上

善泉開成二年刺史張怡架水入城以舒遠汲四年刺

史崔駢復增修之民獲其利後思之爲立祠 集古錄

曰唐修秦文公廟記唐前夏州等節度掌書記李伋撰

并書篆額坊州之南有秦故鄜時祠秦文公夢龍自天

下屬于地立時以祠之世久相傳謂之衙龍神刺史崔

駢改其廟像以爲文公祠開成五年立此碑

寶刻叢編十

崔璵

又勳外戶中禮外補

新表博陵第二房崔氏同州刺

史頴子武宗相琪弟

見主中

字朗士河中節度使 舊傳

長慶初進士擢第又制策登科開成末累遷至禮部員

外郎會昌初以考功郎中知制誥拜中書舍人 新崔

琯傳弟璵河中節度使 唐會要七十太和二年閏三

月賢良方正能直言極諫科崔興及第緯畧誤大庾興作璵是

文宗委中書門下處分制科及第人詔賢良方正能直

言極諫科舉人第四等崔璵中書門下郎與處分大詔令

薛廷範範王本缺又考中補新表薛氏西祖房給事中存誠子見

外庭範字輔國 崔嘏授薛廷範淮南副使制稱考功

郎中薛廷範文苑英華四百十二

路綰無考又戶中

韋博又勳中主中金新表韋氏逍遙公房河南府參軍

子博字大業昭義節度使 新傳進士第自河東節度

判官進主客郎中擢右諫議大夫 崔嘏授韋博司勳

郎中等制

文苑英華三百八十九

柳喜

喜王本缺又左外

新表柳氏尙書右丞範孫陸州刺史齊

物子喜不詳歷官

時代不合

舊宣宗記大中十一年四月

以前邠寧節度使朝議大夫檢校工部尙書邠州刺史

上柱國賜紫金魚袋柳憲可檢校禮部尙書河南尹

新書王璠傳王璠子遐休直弘文館所善學士柳喜等

集其所皆被神策軍所縛自解辯得釋 東觀奏記

下

大中九年前進士柳翰京兆尹柳烹之子

閣本烹誤惠

裴寅

又封中封外動外

新表中眷裴氏吏部尚書向子

見戶外

寅字子敬御史大夫

舊裴向傳子寅登進士第累官

至御史大夫卒

新傳同

舊懿宗紀咸通四年十一月以

戶部侍郎裴寅判本司事

盧耽

舊宣宗紀大中八年三月文宗實錄修成修史官

給事中盧耽等頒賜銀器錦綵有差

唐會要同舊魏謩傳同又云序進職

秩

舊蔣偕傳咸通中與同職盧耽牛叢等受詔修文

宗實錄

新傳大中八年

新書藝文志

乙部史錄起居注類

文宗實錄四

十卷

原注盧耽等撰耽字子嚴一字子重

資治通鑑

唐紀六十七

咸通九年九月戊戌以山南東道節度使盧耽

爲西川節度使以有定邊軍之故不領統押諸蠻安撫
等使 四川成都志一咸通九年盧耽以檢校太傅順
義郡公領劍南西川節度使成都尹在位二年 通鑑
唐紀六 咸通十二年秋七月以兵部尙書盧耽同平章
事充山南東道節度使 北夢瑣言六 崔魏公鉉鎮淮
揚盧丞相耽罷浙西張郎中鐸罷常州俱過維揚

韋退之

韋退王本缺又
戶外金中

新表韋氏逍遙公房蘇州刺史

應物孫慶復子退之不詳歷官 杜牧韋退之除戶部

員外郎等制朝議郎行殿中侍御史韋退之嘗歷憲臺

久居官次性既安靜事皆達練

樊川文
集十七

李蟪

又度外倉中倉外倉

新表大鄭王房千鈞子蟪字懿山

舊懿宗紀咸通四年三月以戶部侍郎李蟪檢校禮部
尚書潞州大都督府長史充昭義軍節度觀察處置等
使 唐語林 李尚書蟪性仁愛厚於中外親戚時推
爲首嘗爲一簿遍記內外宗族姓名及其所居郡縣置
於左右歷官南曹牧守及選人相知者赴所任常閱籍
以囑之 玉泉子韋保衡爲相李蟪鎮岐下辟山北舊
從事李鉅 因話錄 六 大中九年沈詢舍人知舉倉部
李郎中蟪戲諸進士曰蟪與賢座主同年又蟪座主彬
州柳侍郎也 石刻李蟪祈雪華嶽題名左諫議大夫

賜緋魚袋李蟪咸通元年十二月廿九日奉恩命祈雪

陝西華陰

石刻佛頂尊勝陀羅尼經末署大中十一年十

一月十五日樹

婺州

刺史李蟪

浙江金華縣南法隆寺

鄭彥引

又勳中補戶外

吳興志鄭彥弘咸通二年自司勳郎

中授遷右司郎中

孟穆

王本缺又戶中

東觀奏記監修國史門下侍郎兼禮部尙

書平章事鄭朗奏請停廢直館更添置修撰兩員以戶

部郎中孟穆充史館修撰

唐會要六十四大中年七月案舊紀大中十一年二月

鄭朗監修國史會要誤

新南蠻列傳

中

咸通二年命左司郎中

孟穆持節弔祭南詔會陷衢州穆不行

資治通鑑考異曰實錄在此年

十二月按補國史杜邠公再入輔建議遣使弔祭令其
改名纔命使臣已破越雋城池攻邛崃關鎮使臣逗留
數月不發然則命穆充使當在寇
獨州前實錄書於十二月誤也

薛廷望 又勳外主外 新表薛氏西祖房給事中存誠子庭範

弟上庭望字遂之 一作蓬 虢州刺史 杜牧有薛廷望除

美原尉直弘文館等制 樊川文集十九 唐摭言 十 咸通四年

蕭倣與浙東鄭商 當作襲 綽大夫雪門生薛扶狀頃年赴

廣州曰外生薛廷望薦一李仲將外生薛扶秀才 新

藝文志 丙部子錄類書類 續會要四十卷薛廷望等撰崔鉉監

修 宣宗紀在大中七年十月不載廷望名

李緘 新表趙郡李氏西祖後吏部尚書異子緘字德高

崔瑒又史外

新表武威崔氏檢校司空平章事義陽郡王

抱真子瑒少府監

當德宗時時代不合

舊宣宗紀大中元年三月

丁酉朔禮部侍郎魏扶奏臣今年所放進士三十三人

崔瑒等三人實有詞藝為時所稱皆以父兄見居重位

不得令中選詔令翰林學士承旨戶部侍郎韋琮重考

覆敕所試文字並合度程可放及第云云

瑒原誤瑒依文獻通考選

舉考二改又云其月廿三日放及第

大中七年十月弘文館大學士崔

鉉進續會要四十卷修撰官崔瑒等賜物有差 新書

藝文志

兩部子錄類書類

續會要四十卷崔瑒等撰

舊崔鉉傳同

張鐸又主中

新表河間張氏中書舍人仲素子

見封中

字司

振 舊書懿宗本紀咸通十三年五月辛巳貶給事中

張鐸藤州刺史于琮之親黨也 北夢瑣言 六桂魏公

鉉鎮淮揚張郎中鐸罷常州過謁

李琨 琨王本缺 新表小鄭王房文宗相宗閔子 見史 琨

字希立 又吳王房吳王恪子琨淄衛宋鄭梁 舊李宗

閔傳子琨大中朝進士擢第 新傳

李晦 又戶 新表蔡王房大理評事瑜子申州錄事參軍

晦 舊宗室傳河間元王孝恭次子晦乾封中累除營

州都督 新傳 舊僖宗紀乾符二年四月以河南尹李

晦檢校左散騎常侍兼福州刺史福建都團練觀察使

沈炳震云晦當從宗室表作諱案世系表大鄭王房司
農卿謨子誨福建觀察使計其年代當在憲穆時人沈
說未確

李繪

又左外

新表隴西李氏姑臧大房申子僖宗相蔚從

弟

見考中

繪字德彰

舊李蔚傳從兄繪累官至刺史

程匡柔唐補記曰

乾符

三年正月貶蘇州刺史李繪以王

郢亂弃城故也

資治通鑑唐紀六十八考異

李瞻

又封中補

新表雍王房宗正少卿漢子瞻不詳歷官

唐語林

四

李瞻漢之子有文學氣貌淳古非其人雖富

貴不交也累遷司封郎中歸茅山徵拜給事中不就兩

京亂竟不罹其禍

金華子雜編

上

李瞻王祝繼牧常

州皆以名重朝廷於本郡道不修王郡禮初李給事多
不順從廉使猶剛正於可否周侍中寶隱忍之瞻罷秩
退隱茅山則免黃巢之難 又永寧劉相國鎮淮南辟
杜晦辭爲節度判官應召路經常州李瞻給事方爲郡
守

李嶽

又勳外
戶外

舊懿宗紀咸通九年正月以司勳員外郎

李嶽等考宏詞選人

崔寓

又戶外
寓字此與吏中補吏外之崔寓非一人

劇談錄

下

咸通乾符中興善寺阿闍黎諡普照大師劉都尉崔給
事寓張常侍同與中貴多爲弟子出城之日皆縞素後

隨

孫徽 新表武邑孫氏東都留守太子太保簡子徽常州

刺史 舊孫述傳玄孫徽登進士第

王鐐

又倉外主外補

新表太原王氏魏郡文懿公起子

見勳字

德耀汝州刺史 舊僖宗紀乾符二年六月以主客員

外郎王鐐爲倉部員外郎 舊王鐸傳弟鐐累官至汝

州刺史王仙芝陷郡城被害

新傳弟鐐累官汝州刺史乾符中王仙芝來攻城陷

貶韶州司馬終太子賓客舊僖宗紀乾符三年七月王仙芝攻汝州虜刺史王鐐舊傳誤

新王播

傳太常博士炎子鐐

李燭

又戶中禮外補

舊僖宗紀乾符二年四月以殿中侍御史

李燭爲禮部員外郎

張旡逸

又戶中 金 外 度中

姑蘇志二張旡逸咸通中任蘇州

刺史

見旡逸撰 弘憲塔銘

夏侯潭

潭二本缺

新表夏侯氏宣宗懿宗相孜子潭字虛中

禮部郎中

舊夏侯孜傳子潭登進士第累官至禮部

侍郎中和三年選士多至卿相

舊僖宗紀光啟二年

五月嗣襄王煊僭卽皇帝位令戶部侍郎夏侯潭往河

北宣諭

□應物

案上□字當是韋字 當在盧慈後呂頌前

新表韋氏逍遙公房鑾子

應物蘇州刺史

沈作喆韋刺史傳應物京兆長安縣

人自江州刺史居二歲召至京師貞元二年由左司郎中補外得蘇州刺史 王欽臣韋蘇州集序自刺江州追赴闕改左司郎中貞元初又歷蘇州

唐技

又御史臺右側侍御兼殿中題名

新表唐氏侍御史款子技字已

有刑部郎中

舊文苑傳

下

會昌末累遷刑部員外郎

轉郎中累歷刺史卒

舊宣宗紀大中九年三月試宏

詞舉人漏泄題目爲御史臺所劾考試官刑部郎中唐

技出爲處州刺史

東觀奏記

下

大中九年正月十九

日制曰朝議郎守尙書刑部郎中柱國賜緋魚袋唐技

將仕郎守尙書職方員外郎裴

庭裕之先父

早以科名荐由

臺閣聲猷素履亦有可嘉昨者吏部以爾秉心精專請
委考覈而臨事或乖於公當物議遂至於沸騰豈可尙
列彌綸是宜並分符竹善綏凋瘵以補悔尤技可虔州
刺史散官勳封如故裴可申州刺史散官如故舍人杜
德公之詞也德公言於執政曰某兩爲考官未試宏詞
先鑠考官缺十字文書若自先得賦題者必佳糊名考文
書得佳者考官乃公當罪上銓爲宜考官不合坐

補遺

杜超

又金外
倉中

元和姓纂

十姓

周夏官上士杜周則生超左

司郎中京兆人

崔義玄

新表南祖崔氏魏尚書珍後溉子義元御史大

夫清邱貞公

舊傳自隰州都督府長史貞觀初歷左

司郎中兼韓王府長史行州府事

新傳同

李公淹

又吏外

新表趙郡李氏西祖房李建五代孫公淹

右司

疑左

郎中

李華慶王府司馬徐府君

堅

碑夫人趙

郡李氏北州望族左司郎中公淹

彭叔夏日一作淹

之孫

文苑英華

九百三

資治通鑑

唐紀八

貞觀元年十月乙酉遣員外散

騎侍郎李公淹持節慰諭馮盎

考異曰魏文貞公故事作李公淹又有前蒲州

刺史韋叔諧偕行今從實錄案淹字是也實錄誤又新

馮盎傳止云遣散騎常侍韋叔諧諭盎無公淹名新書

飛頭獠傳員外散騎侍郎李公淹

新書

儒學

柳沖傳唐與

言譜者李公淹等爲世所稱

封道弘

又度外作弘道

新表封氏君夷子道弘右

左

司郎中號

州刺史

唐會要

六

顯慶二年十一月二十一日講

武於泚水之南行三驅之禮上設次于尙書臺以觀之

原注許州

長史封道宏奏尙書臺本因漢南郡太守馬融講

尙書于此因以爲名今陛下親降此臺以觀校習請改

爲講武臺從之

襄陽耆舊傳

下

龍朔中

襄州

刺史封

道洪改尹怱間爲南陔里張柬之爲之記

邱懷道

通志氏族畧

五

北齊行臺僕射邱珍中山曲陽

人孫懷道唐左司郎中又居洛陽望出中山

舊杜淹

傳杜淹嘗薦刑部員外郎鄧懷道太宗問才行何如淹對曰懷道在隋日作吏部主事甚有清慎之名又煬帝向江都之日召百官問去住之計時行計已決公卿皆阿旨請去懷道官位極卑獨言不可臣目見此事

鄭植

又勳中

新表鄭氏北祖房霍邱令琇子植壁州刺史

石刻馬懷素大理卿崔夫人鄭氏墓誌銘曾祖子仁齊通直郎祖植口朝司勳左司二郎中長安令將作少

匠檢校太常少卿

常山貞石志七

鄭世斌

新表鄭氏北祖房義興令機子世斌左司郎中

石刻秦貫滎陽鄭遇夫人崔氏合祔墓誌銘高祖世

斌皇左司郎中礧隰二州刺史新鄭縣開國男食邑三

百戶

河南滑縣

裴思義

又吏外動中

封

新表洗馬裴氏雍州錄事參軍宏

泰子思義河東太守晉城縣子 王維故任城縣尉裴

府君回墓誌銘祖思義皇侍御史吏部員外左司郎中

戶部吏部侍郎河東郡太守晉城縣開國子

全唐文三百二十七

王本立

又考中

唐會要

十六

龍朔元年八月忻州定襄縣尉

王本立爲監察御史裏行之名始於此六典又云裏行

始於馬周未知孰是初皆帶本官祿俸於本官請如未

卽真有故停卽以本官赴選 唐書御史遭長官於途

皆免帽降乘長官戢轡辭而上馬乾封中王本立爲御史意氣頗高途逢長官端揖而已自是諸人或降而立或足至地或側鞭弛鞚輕重無恆開元以來但舉鞭聳揖而已

太平御覽職官部二十五

張九齡徐文公

堅

神道碑銘補

汾州參軍事部送邊繡至於定襄軍使王本立素重公才署爲管記書奏謀算悉以咨之

唐丞相曲江張先生文集十九

御

史臺記唐韓琬與張紹王本立同游太學

太平廣記二百五十九

通典

州郡七

河南府河清縣倉咸亨中考功郎中王本

立置舊劉禕之傳垂拱三年則天特令肅州刺史王

本立推鞠劉禕之受金私妾事

新武后紀垂拱四年

九月丁卯夏官侍郎王本立同鳳閣鸞臺平章事

宰相表同

舊紀失載

新表載初元年三月甲寅本立守左肅政臺御

史大夫

舊紀永昌元年

即載初元年

八月左肅政御史大

夫王本立同鳳閣鸞臺三品

新紀七月戊寅宰相表同

新書方技

傳中書舍人劉允濟爲酷吏所陷且死御史嚴善思力

訟其冤得免戶部尙書王本立見之曰祁奚之救叔向

嚴公有之後見允濟語未嘗及之

新紀載初元年一

月戊子王本立罷

宰相表二月戊子罷爲地官尙書舊紀失載

二月丁卯殺

地官尙書王本立

舊紀失載資治通鑑唐紀二月丁卯地官尙書王本立薨考異曰新紀殺

王本立御史臺記本立爲周興所誅今從實錄

舊狄仁傑傳儀鳳中左司郎

中王本立恃寵用事仁傑奏請付法寺本立竟得罪

新傳

左司郎中王本立恃寵自肆仁傑劾奏其惡有詔原之仁傑曰朝廷借乏賢如本立者不數陛下惜有罪虧成法奈何臣願先斥爲羣臣戒本立抵罪

李懋道 新表趙郡李氏南祖房刑部侍郎叔慎子懋道

左司郎中

溫翁念 新表溫氏太宗相彥博孫

見吏中

太子舍人振子

翁念太僕少卿

元和姓纂翁念左司郎中大僕少卿

石刻五言同韋子

旂神泉詩後署左司郎中溫翁念字敬祖

垂拱四年陝西富平

喬知之 舊文苑傳

中

則天時累除右補闕遷左司郎中

武承嗣諷酷吏誅之

新武后紀載初元年八月壬戌

殺右司

當作左

郎中喬知之

崔齊之

新表許州陽陵崔氏戶部尚書知悌弟

見戶知外

久子齊之左司郎中

王旭

又左外又御史臺侍御殿中題名

新表烏丸王氏太宗相珪曾孫

王爵員外郎崇基孫

見封中補

通州刺史齊望子旭左司郎

中

新酷吏傳珪孫舊酷吏傳曾祖珪新傳誤

舊酷吏傳下自并州錄事參

軍開元二年累遷左臺侍御史五年遷左司郎中常帶

侍御史六年坐贓私累巨萬貶龍平尉

舊書又附見王珪傳崇基孫旭

開元初為左司郎中兼侍御史以贓罪黜龍川尉較酷吏傳頗畧

蘇詵

又吏外戶外

新表蘇氏中宗睿宗相瓌子

見祠中

詵給事

中魏縣男

元和姓纂說給事中徐州刺史

新傳字廷言舉賢良方正

高第補汾陰尉遷祕書詳正學士累轉給事中出徐州

刺史

舊傳歷授右司

當作左

郎中給事中徐州刺史

蘇頲謝弟誵除給事中自求改職表今月二十四日勅

以臣弟左司郎中臣誵爲給事中

文苑英華五百九十一

國秀

集

上

盧僎有送蘇八給事出牧徐州相國請出用

一本同

芳韻詩

廣異記

二

兗州刺史蘇誵爲子萊求婚盧氏

誵唯一子娶盧次女天寶末萊至永寧令死於祿山之

難二京收復詔贈懷州刺史

太平廣記三百五十八

蘇萊世系表失載

韋拯

又戶

新表韋氏郎公房暢子刑部尙書抗弟

見吏中

拯戶部郎中 舊韋抗傳抗爲御史大夫兼按察京畿

時弟拯爲萬年令兄弟同領本郡時人榮之新傳 蘇

頴刑部尙書韋抗神道碑公之季左司郎中萬年令澤

州長史曰某文苑英華八

百九十六

裴寬 新表南來吳裴氏令寶後袁州長史無悔子寬禮

部尙書 舊傳應拔萃舉自太常博士再遷爲刑部員

外郎蕭嵩爲河西節度使奏爲判官嵩加中書令寬歷

中書舍人御史中丞兵部侍郎新傳 張九齡授盧絢

見吏裴寬御史中丞制朝散大夫檢校尙書左司郎中

兼侍御史內供奉知臺事護軍裴寬等可檢校御史中

丞散官勳如故

文苑英華三百九十
三案文集無此文

陽伯成

又戶中
戶外

舊張說傳開元十八年太常諡張說議

曰文貞左司郎中陽伯誠駁議以為不稱

舊孝友崔沔

傳開元三十三年制令禮官議加籩豆之數與服制之

之紀崔沔建議依舊戶部郎中楊伯成等與沔相符

舊王峻傳開元中戶部郎中楊伯誠上疏請王峻等墳

特乞增修封域量加表異降使饗祭優其子孫

新傳作
陽伯成

石刻大智禪師碑陰記河南少尹陽伯成撰

開元廿
九年

陝西
長安

李愷有和戶部楊員外伯成寓直詩

文苑英華
百九十一

馬光淑

又吏外
史臺殿中監察題名

元和姓纂

三十
五馬

唐兵部員

外馬頴生光淑左司郎中宋州刺史京兆人 張九齡

加銀青光祿大夫中書令制未署開元廿二年五月廿

八日左司郎中光淑

清熙祕閣續法帖卷第六

金石錄目

六第一

千一百八十二唐扶溝令馬光淑頌

崔顯撰開元二十九年立

杜損

又左外

新表洹水杜氏懷州刺史僑子涼州都督咸

弟

見祠外

損大理少卿

韓愈唐故河南尹杜兼墓誌銘

懷州長史生損爲左司郎中卒贈少大理

昌黎先生集二十六考異

少大理或作大理少卿案五百家本同或作

李審

又左外

新表趙郡李氏西祖房中山貞公父子審左

司郎中

又蜀王房惠陵臺令晃子審潞府士曹參軍

李喬年

倉外有喬聿疑是喬年之誤
御史臺侍御又侍御兼殿中題名

又

新表趙郡李

氏西祖房禮部侍郎景伯生彭年

見吏中

喬年左司郎中

鄭令璉

新表鄭氏北祖房豪州刺史慈明子令璉左司

郎中國子祭酒

鄭成家

新表鄭氏南祖房嗣邱子成家左司郎中

魏少遊

元和姓纂

八未

魏氏東祖後庫部郎中秦州都督

魏靖生少游刑部尚書京兆尹鉅鹿人

舊傳歷職朔

方水陸轉運副使肅宗至靈武累遷衛尉卿

新傳字

少游天寶末累遷朔方水陸轉運副使肅宗幸靈武除

左司郎中兩京平封鉅鹿縣侯遷陝州刺史擢京兆尹

改衛尉卿 舊房琯傳天寶十五載十月房琯自請將
兵收復京都自選參佐以右司郎中魏少遊爲判官新傳
同

李巽

此與左中戶中之李巽別一人說見上

新表許王房嗣澤王瑒子巽

汝南郡公兵部郎中

舊顏真卿傳至德二載鑾輿將

復宮闕遣左司郎中李巽先行陳告宗廟之禮

新傳作李選

舊回紇傳乾元元年七月以堂姪左司郎中

新傳作作右巽

爲兵部郎中攝御史中丞鴻臚卿冊命英武威遠毗伽
可汗副使兼充寧國公主禮會使

盧振

新表盧氏尙書右丞漁陽縣伯奐子振國子監主

簿 李華盧郎中齋居記尙書左司郎中嗣漁陽公盧

振字子厚處于九江南郭荒榛之下又云以瑚璉之器

爲郎官以干將之斷宰赤縣

李遐叔文集三
廣德二年

蕭定 新表蕭氏齊梁房號州刺史恕子定字梅臣太常

卿 舊良吏傳 下自萬年主簿累遷侍御史考功員外

郎左右司二郎中爲元載所擠出爲秘書少監 蕭定

袁州文宣王廟記大厯元祀自尙書左司郎中試秘書

少監兼此州刺史

文苑英華
八百十四

上鴻漸 元和姓纂 尤十八左司郎中上鴻漸貝州人 石

刻張彥無憂王寺大聖真身寶塔碑銘少尹時則有若

檢校司勳員外郎兼侍御史上公鴻漸大曆十三年陝西扶風

庾何又左外祠外元和姓纂七職方祠部郎中大理少卿庾

光烈生何左司郎中彭州刺史舊忠義傳下庾敬休

父何當賊泚盜據宮闕與季弟倬逃竄山谷何終兵部

郎中新傳署同新陸贄傳德宗立遣黜陟使庾何等十一

人行天下舊崔論傳黜陟使庾何按同州刺史崔論

廢免議者以何舉奏涉於深刻復用論為衢州刺史新傳

同

獨孤恂又勳外新表獨孤氏導江丞道濟子恂左司郎中

元和姓纂同新鮑防傳貞元元年策賢良方正時比歲旱

策問陰陽祲沴穆質對漢故事免三公卜式請烹弘羊
指當時輔政者右司郎中獨孤恹欲下質防不許曰使
上聞所未聞不亦善乎卒置質高第 唐會要七十興
元元年十一月嶺南選補使右司郎中獨孤恹奏伏奉
建中四年九月勅選補條件所注擬官便給牒放上至
上都赴吏部團奏給告身勅旨准勅處分 獨孤及送
弟恹之京序蒼龍居玄枵之歲與爾吹埴篴於長安靈
臺之下當時予方青衿子適紉綉各志小學相期大來
其後爾以經術薦遂觀光於上國子牢落兩河爲病所
繫星分兩散十有二載中間蹇攜手一笑者及今而三

毘陵集
十四

石刻唐元次山朝陽巖銘攝刺史獨孤恤為

吾翦闢榛莽

永泰丙午湖南零陵案零陵唐屬永州當是攝永州刺史也

嚴說

元和姓纂

二十嚴

貞元給事中同州刺史嚴說吳郡

人

大唐郊祀錄

十

貞元四年八月尚書右司郎中嚴

說等

會要

二人兼請去追封武臣及王位

會要

二十三新書禮

樂志五

唐會要

五十

貞元五年正月左司郎中嚴說

有應受事稽違程期奏

釋皎然福願寺律和尚墳塔

銘奉戒弟子前給事中嚴公說

行山集

盧羣

又左

新表盧氏吳子羣字戴初義成節度使舊

傳貞元六年自襄陽判官入拜侍御史累轉左司職方

兵部三員外郎郎中

新傳
畧同

楊凝

又封外
禮中附存

新表楊氏越公房成名子刑部

侍郎京兆尹憑弟

見左

凝字懋功司封郎中

新傳由

協律郎三遷侍御史爲司封員外郎徙吏部稍遷右司

郎中宣武董晉表爲判官

權德輿唐故尙書兵部郎

中楊君文集序君舉進士甲科賢公安辟由校秘書四

遷至冠柱後惠文徵拜左史歷司封員外左司郎中不

附離權右陰爲所中以介外相師律非君莫可

權載之
文集三

三 柳宗元唐故兵部郎中楊君墓碣以校書郎爲書

記漢陰式徙荊州由協律郎三轉御史入爲起居郎又

爲尚書司封員外郎乃參選部居喪服除爲右司郎中

危言直已以致其誠然卒中於諛辭不得朝請以檢校

吏部郎中爲宣武軍節度判官

河東先生集九

韓愈贈太傅

董公行狀貞元十二年八月上命楊凝自左司郎中爲

檢校吏部郎中觀察判官

昌黎先生集三十七

舊楊憑傳弟凝

有時名

趙需 元和姓纂

三十小

主客員外趙

脫廣字

微

見主

生需左

司郎中汲郡人 新張薦傳德宗復用盧杞爲刺史張

薦與陳京趙需等論杞姦惡傾覆不當用 柳宗元先

君石表陰先友記趙需

原注大歷六年進士

天水人 嗶嗶儒士也

有名至兵部郎中卒

河東先生集十二

舊韋渠牟傳貞元十

二年四月德宗誕日御麟德殿召兵部郎中趙需等及

道士沙門講論儒道釋三教

新書徐岱傳畧同

武元衡

新表武氏考功員外郎甄孫

見考外補

潤州司馬就

子元衡字伯蒼相憲宗舊傳進士登第德宗時自華

原縣令稱病去官召授比部員外郎二歲遷左司郎中

時以詳整稱重貞元二十年遷御史中丞

新傳作右司郎中

鄭敬

又戶中金外

唐會要

六七十

貞元元年九月賢良方正能

直言極諫科鄭敬及第

緯畧同

又七十

元和四年正月

以左司郎中鄭敬使湖南宣歙等道宣撫許敬等以便

宜行事 舊潘孟陽傳憲宗常發江淮宣慰使左司郎

中鄭敬奉使

新傳同

舊韋貫之傳元和三年復策賢良

命貫之與左司郎中鄭敬等同爲考策官 新牛僧孺

傳元和初以賢良方正對策條指失政其言醜訐不避

宰相宰相怒故鄭敬等坐考非其宜皆調去

崔清

又戶中倉外

新表博陵三房崔氏挺後鄧州刺史先意

孫

見金外

滎陽郡長史燾子清戶部郎中

舊

忠義下

高汴

傳李師道時有崔清等皆以仗順爲賊所惡同被囚放

白居易崔清晉州刺史制左司郎中崔清以才良行

敏補尚書郎頗積公勤宜加獎任頃嘗爲郡亦聞有政

平陽舊壤時謂名藩得才與能方可其理安人訓俗佇

有成績可晉州刺史白氏文集五十五

辛祕又祠外舊傳祕隴西人貞元中累登五經開元禮科

元和中自河東行軍司馬召拜右司郎中出為汝州刺

史牛僧孺昭義軍節度使辛公神道碑自河東軍司

馬就拜為左司郎中更京兆汝州刺史本州防禦文苑英華

九百十五

陸則又金外新表陸氏侍郎枝戶部郎中滄子見戶中補則杭

州刺史左司郎中舊鄭餘慶傳元和六年左司郎中

陸則等以不詳覆而給元義方盧坦立門戟罰俸乾

道臨安志

三杭州刺史杜陟

見度中

陸則李幼崔鄩

見倉外

路異

見金外

五人與裴常棣白居易

見主中

盧元輔

見左補外楊

憑

見左外

九人皆曾造僧慧琳之室論心要見慧琳碑

憲宗罰盧坦元義方立戟違式俸料勅左司郎中陸則

勾簡之任發付不精罰一年俸料

大詔令會要三十載此勅在元和六

年十二月則誤質

韋弘景

又吏中中補

封外附存

度

新表韋氏逍遙公房興道

令堯子宏景禮部尙書

舊傳貞元中始舉進士元和

中自司門員外郎轉吏部員外郎左司郎中改吏部度

支郎中出爲綿州刺史

新傳畧同

庾敬休

又禮中補禮外補

元和姓纂

九

庾何

見上

生威威生敬休

左

舊傳

拾遺

舊傳父何姓纂與傳不合案何在德宗時敬休當憲宗末年已入翰林相去僅三十

年

忠義

字順之其先南陽新野人舉進士宏詞登

科自起居舍人俄遷禮部員外郎入為翰林學士遷禮

部郎中罷職歸官又遷兵部郎中知制誥丁憂服闋改

工部侍郎權知吏部選事丁居晦重修承旨學士壁

記庾敬休元和十五年閏正月十三日自禮部員外郎

充二月一日賜緋二十一日加左司郎中長慶元年十

月二十一日出守本官

翰苑羣書上

舊文宗紀大和九年

三月庚午尚書左丞庾敬休卒廢朝一日詔曰官至丞

郎朕所親委不幸云亡者宜爲之廢朝自今丞郎宜準諸書三品官例罷朝一日

李肇

又勳外

新表趙郡李氏東祖房吏部員外郎華子隲

弟

見祠外

肇大理評事

廬山記

二東林寺經藏院碑元

和七年歲次壬辰九月丙辰朔十五日庚午朝請郎試

太常寺協律郎李肇撰

文苑英華八百六十五李肇東林寺經藏碑末稱故府從事李

肇

重修承旨學士壁記李肇元和十三年七月十六

日自監察御史充十四年四月五日遷右補闕九月二

十四日賜緋十五年閏正月一日賜紫二十一日加司

勳員外郎長慶元年正月十三日出守本官

翰苑羣書上

舊穆宗紀長慶元年十二月貶司勳員外郎李肇澧州刺史坐與諫議大夫李景儉於史館同飲景儉乘醉見宰相謾罵故也

李景儉傳畧同

白居易李肇可中散大夫郢

州刺史王鎰朗州刺史溫造可朝散大夫三人同制勅朝請大夫使持節澧州諸軍事澧州刺史上柱國賜金

紫

魚袋李肇等乃者李景儉使酒獲戾而肇等與之會飲失於檢慎宜有所懲由是左遷分爲郡守今首坐者旣復班列緣累者亦當徵還但以長吏數易其弊頗甚況聞三郡皆有政能人方便安不宜遷換故吾以采章階級並命而就加之蓋漢制進爵秩降璽書慰勞良二千

石之旨也爾當是命得不勉哉白氏文集五十又論左降獨

孤朗等狀長慶元年十二月十一日奏前列詞頭司勳員外郎李肇

可澧州刺史白氏文集六十嘉定赤城志八大中七年八年

李肇為台州刺史新書藝文志乙部史錄李肇國史

補三卷原注翰林學士坐薦伯耆自職官又翰林志一

卷又目錄經史釋題二卷南部新書丙李肇自尚書郎

焉因著經史目錄唐國史補序前題唐尚書左司郎中李肇

撰撫言元和中書舍人李肇撰國史補

溫造新表溫氏太常丞佶子造字簡與河陽節度使禮

部尚書祁縣子舊傳自朗州刺史居四年召拜侍御

史遷左司郎中再知雜事尋拜御史中丞

新傳同

舊文

宗紀大和元年六月丙申左司郎中兼侍御史知雜溫造權知御史中丞

楊虞卿

又吏外禮外補

新表楊氏越公房國子祭酒寧子

見戶中

東川節度使汝士弟

見封外

虞卿字師臯京兆尹

舊傳

元和五年進士擢第又應博學宏詞科穆宗初自侍御

史再轉禮部員外郎史館修撰長慶四年八月改吏部

員外郎大和二年以檢下無術停見在李宗閔牛僧孺

輔政起爲左司郎中五年六月拜諫議大夫

新傳作右司郎中

張又新

又祠外主中

新傳又新字孔昭工部侍郎薦之子

見戶

外補元和中及進士高第歷左右補闕尋轉祠部員外郎

李逢吉表爲山南東道行軍司馬舊傳山南東道節度副使誤坐田

伍事貶汀州刺史李訓有寵遷刑部郎中爲申州刺史

訓死復坐貶終左司郎中

孫簡

又吏中勳外

新表武邑孫氏豳府經略兼御史中丞公

器子簡東都留守太子太保新文藝傳中字樞中元

和初登進士第辟鎮國荆南幕府累遷左司吏部二郎

中繇諫議大夫知制誥舊后妃傳下穆宗貞憲皇后

蕭氏傳開成四年詔刑部侍郎孫簡三司按蕭弘蕭本

僞稱太后弟獄舊文苑孫逖傳曾孫簡範見金中並舉

進士會昌後兄弟繼居顯秩歷諸道觀察使兵部尚書

舊李固言傳大中末以太常卿孫簡代固言爲東都

留守東畿汝都防禦使大中末疑是大中初褚藏言故武昌軍

節度副使扶風寶府君詩序元和二年舉進士與今東

都留守左僕射孫公簡同年上第寶氏聯珠序

姚昂又吏中補新表陝郡姚氏涇主簿偁子昂諫議大夫

新傳字斯勤長慶初擢進士第數爲使府表辟進監察

御史佐鹽鐵使務果遷諫議大夫更湖常二州刺史

吳興志姚昂會昌三年六月二十九日自尚書左司郎

中授後遷吏部郎中舊韋溫傳文宗時鹽鐵判官姚

直子發不詳歷官 舊傳字至之大和四年登進士第

又以書判拔萃自侍御史累遷至禮部郎中大中三年

改左司郎中改授太常少卿

新傳
畧同

豆盧籍

新表豆盧氏萬年令友孫

見祠外

籍左司郎中兼

侍御史知雜事

舊豆盧瑑傳父籍進士擢第

舊五

代史

唐書四十三

豆盧革傳祖籍同州刺史

舊令狐滈傳

咸通二年起居郎張雲上疏言大中十年令狐綯以諫

議大夫豆盧籍刑部郎中李鄴爲夔王已下侍讀欲立

夔王爲東宮欲亂先朝子弟之序

新傳同

崔原

原當作厚
勳中勳外

又史外
金外

新表博陵大房崔氏充海觀

察使戎子

見吏中

厚字致之司勳郎中

舊懿宗紀咸通

十年八月貶司勳郎中崔原

當作厚

柳州司戶崔雍之親

黨也

舊僖宗紀乾符元年十二月以左司郎中崔原

當作厚

爲兵部郎中

四年正月以兵部郎中崔厚爲諫

議大夫 舊書禮儀志

五

中和元年左丞崔厚爲太常

卿議立行廟於成都府

唐會要十六同

鄭綮

舊傳以進士登第歷監察殿中倉戶二員外郎金

刑右司三郎中家貧求郡出爲廬州刺史

新傳字蘊

武歷監察御史擢累左司郎中困窶甚丐補廬州刺史

直齋書錄解題

五

開天傳信記一卷唐吏部員外郎

鄭棨撰雜記開元天寶時事

楊贊禹

新表楊氏越公房左散騎常侍知退子

見戶贊中

禹字昭諫左司郎中集賢學士

薛廷珪授長安縣尉

直弘文館楊贊禹左拾遺鄆縣尉鄭谷右拾遺制贊禹

挺生公族雅有令名連中殊科首冠羣彥捨而不顧去

奉良知五年於茲澄澹一致自待之意何其遠歟

文苑英華

三百八十三

禪月集十有鄂渚逢楊贊禹詩

陸愿

新表陸氏太尉枝昭宗相希聲子愿左司郎中

孫濟

又吏外補臺殿中監察題名又御史

元和姓纂

二十唐處士孫思

邈生行中書舍人子濟左司郎中潤州刺史華原人

元宗分遣蔣欽緒等往十道疏決囚徒宣慰百姓制其
天下見禁囚徒死罪宜降至配流已下罪悉之仍令
殿中侍御史孫濟往隴右道並卽馳驛發遣所至之處
疏決囚徒宣慰百姓其有窮乏交不存濟及侍老行人
之家有疾苦者各令州縣量加醫療及賑恤大詔令案舊紀開
元十三年正月戊子降死罪從流流已下罪悉原國
之分遣御史中丞蔣欽緒等往十道疏決囚徒
秀集有張謬贈吏部孫員外濟詩

劉植 吳興志劉植乾符元年七月二十七日自左司郎

中授除當道副使

統記云咸通十五年自兵部員外郎授遷兵部郎中

劉居簡

元和姓纂

尤十八

劉延慶生居簡左司郎中太原

少尹彭城人

新表脫少字

金石錄

目錄

第一千六百三十唐

劉居簡歸卿拜高廟詩

貞元十二年十月

樊慶德

元和姓纂

二十元

陳荊州刺史富川侯樊猛生遂

遂生慶德唐左司郎中千牛將軍南陽湖陽縣人居淮

南

附存

裴珣

新表南來吳裴氏袁州長史無悔子恂河內太守

舊裴寬傳弟珣爲河內郡太守安祿山反以執父喪

將投闕廷恐累其母乃詣河東節度訴誠而退後在母

憂又陷史思明受其僞官委任使弟朗密奉表疏至上

京代宗時爲左司郎中兼侍御史河東道租庸判官沈
震云珣疑寬子非弟蓋寬卒時年七十五不應有父而
弟尙執喪然世系表亦云寬弟但珣作珣而無助名
格案安祿山反已下當是寬子諸事以舊新書諸傳證
之可見此脫去子諸二字耳諸已見左中故附存之

歸安丁寶書編次

唐尙書省郎官石柱題名考卷一

終

勞檢丁士謬校字